



Malo o Samoa

Matagaluega o Faatoaga ma Faigafaiva

PEPA O FAAMATALAGA:

“ TAOFIA LE TUMAU FA’ATAUINA ATU O LAFUMANU MAI FA’ATOAGA A LE MALO I VAEA, TOGITOGIGA, LEMAFI MA TANUMALALA MO LE MAMALU O LE AUFAIFAATOAGA LAFUMANU ”

Fa’asilasilaga taua mai le Vaega o Atinae o Lafumanu a le Matagaluega o Fa’atoaga ma Faigafaiva e fa’apea:

I le ava ma le fa’aaloalo e tatau ai, e tu’uina atu ai leni fa’asilasilaga aloa’ia mo le mamalu i pa’aga uma afaifa’atoaga failafumanu a le matagaluega ina ia nofo silafia le fuafuaga o le a amata fa’atinoina ma fa’amamaluina, aua le si’itia o atinae tau lafumanu i totonu o le atunu’u.

O lea ua a’e ai se tofā i le Matagaluega mo le toe fetu’una’i ma toe fa’atulaga ni alafua fou mo le fa’aleleia o fa’atoaga a le malo, ma e ao ona ave iai le fa’amuamua i le taimi nei.

O polokalame mo le fa’aleleia o atinae ua fuafua iai le matagaluega e aofia ai :

- Fa’aaogaina o metotia fa’atekonolosi mo le fa’afeusua’iga o manu (Artificial Insemination - AI),
- Fa’aulufaleina mai o ituaiga fou o manu mai atunu’u mamao (New Species /Breeds),
- Nisi ituaiga manu papalagi silisili ona lelei ma mautinoa le ola maloloina i le tau i Samoa nei (genetics),
- Polokalame fa’aleleia o meaai ma fale e gaosi meaai mo manu (Feedmill) ,
- Polokalame fa’aleleia ituaiga vao fou talafeagai mo manu.

O le Auiliiliina o leni Fuafuaga o le a fa’amanino atu i lalo:

Fuafuaga :

1. Manu papalagi :
 - Taofia le fa’atauina atu mo le 3 tausaga - amata fa’amamaluina i le masina o Me 2025 seia aulia le masina Me 2028.
2. Mamoe :
 - Taofia le fa’atauina atu mo le 1 tausaga - amata fa’amamaluina masina Me 2025 seia aulia Me 2026.
3. Pua’a (meaituāolo) :
 - Taofia le fa’atauina atu mo le 1 tausaga - amata fa’amamaluina masina Me 2025 seia aulia le masina Me 2026.

Nisi o aiaiga ma teuteuga o leni fuafuaga :

- O lo’o iai pa’aga a le Matagaluega faifa’atoaga failafumanu papalagi (multipliers) e mafai ona fa’afesootai ane iai mo ni manu e fia fa’atauina.



“.....Unaia paaga maoti o faatoaga aua le faamausaliina male faatupulaia o atinae ola lelei....”

O se tasi lenei o luitau ua feagai nei ma le Matagaluega, ma e ao ai ona faia ni suiga lelei ina ia mafai ona tali atu i faafitauli o feagai nei o le lē lava o manu aua atinae a le mamalu o le afaifaatoaga failafumanu. E tatalo atu ai ma le agaga maualalo ina ia lava papale lo outou paia ma lo outou mamalu ae sei toe tapena le matagaluega e faatino lana pitola'au pei ona fuafua ma faataoto i le taimi nei.

E avea ai lenei laolao matou te fa'amalulu atu ma asu atu vaimalu i puega i o outou finagalo Samoa aemaise o pa'aga totino a le Matagaluega i le afaifa'atoaga failafumanu ona o lenei fuafuaga ua faia mo se taimi le tumau.

Mo nisi fa'amatalaga, fa'amolemole fa'afesootai mai le Ofisa Vaega o Atinae o Lafumanu a le Matagaluega i Vaea i le telefoni numeru **21052** po'o le Ofisa Autu i Sogi, TATTE , numeru : **22561**

Faia ma le agaga fa'aaloalo tele lava.



Dr. Seuseu Tauati

OFISA SILI O PULEGA

MATAGALUEGA O FAATOAGA MA FAIGA FAIVA.